



Պ Ա Շ Տ Ո Ն Ա Կ Ա Ն Ք

Ք Ա Ղ Վ Ա Ծ Ք

ԳԵՐԱԳՈՅՆ ՀՈԳԵՎՈՐ ԽՈՐՀՐԴԻ 1965 ԹՎԱԿԱՆԻ
ՍԵՊՏԵՄԲԵՐ 7-Ի ՆԻՍՏԻ ԱՐՁԱՆԱԳՐՈՒԹՅՈՒՆԻՑ

Վեհափառ Հայրապետի բարձր նախագահության ներքո, 1965 թվականի սեպտեմբերի 7-ին գումարվում է Գերագույն հոգևոր խորհրդի նիստը, որ մասնավոր կարևորությամբ քննվում է «Մի քանի քահանաների կողմից իրենց պաշտոնը լքելու և արտասահման մեկնելու մասին» հարցը:

Գերագույն հոգևոր խորհուրդը մտքերի փոխանակությունից հետո ընդունում է հետևյալ որոշումը.

«Գերագույն հոգևոր խորհուրդը, եկեղեցական կանոնների լույսի տակ, նման դեպքը համարում է եկեղեցական անկարգություն և որոշում է.

Խստիվ պահպանել եկեղեցական կանոնը և խնդրել Վեհափառ Հայրապետին ի շարկին կարգալուծման պատիժ սահմանել անաստուղներին: Ժողովը անհրաժեշտ է գտնում սույն որոշումը յայտնել թեմերին ի գիտություն»:

*
* *

Այնուհետև, 1966 թվականի հունիսի 25-ին Մայր Աթոռի դիվանի կողմից հրատարակվում է հայրապետական վճիռ տ. Սարգիս քահանա Անդրեասյանի կարգալուծման մասին՝ ի գիտություն հայ եկեղեցու նվիրապետական Աթոռների և ազգային-եկեղեցական մարմինների.

Ծ Ա Ն Ո Ւ Ց Ո Ւ Մ

Մայր Աթոռ ս. Էջմիածնի դիւանը այսու լիազորում է ծանուցանելու ի գիտություն հայ եկեղեցույ նուիրապետական Աթոռներին և ազգային-եկեղեցական մարմիններին, թէ Ամենայն Հայոց Հայրապետի վճիռով կարգալուծեղած է Արարատեան թեմից տ. Սարգիս քահանա Անդրեասեանը, որ դրժել է իր ծառայութեան ուխտը ու լքել իրեն վստահուած հօտը առանց յարգելի պատճառի և առանց հոգևոր վերին իշխանութեանց արտօնութեան և հակառակ վերջին մի տարուայ ընթացքում բազմիցս եղած յորդորներին և նախազգուշացումներին Արարատեան թեմական խորհուրդի և Գերագույն հոգևոր խորհուրդի կողմից:

Վերոյիշեալ կարգազուրկ քահանան դասում է աշխարհականների շարքը իր նախկին Սարգիս Անդրեասեան անունով:

25 յուլիսի 1966 թ.

Ս. Էջմիածին

ԴԻԻԱՆ ՄԱՅՐ ԱԹՈՐՈՑ